



UNIVERSITÄTS-  
BIBLIOTHEK  
PADERBORN

# Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel III. Hoe de Martelaer van eenen ketterschen predicant  
onder-vraeght ende ter doodt verwesen wierdt.

---

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

## CAPITTEL IIII.

Hoe de Martelaer van eenen ketterschen predicant onder-vraeght ende ter doode verwesen wierdt.

**N**Mer drij daghen is tot hem ghecomen een valsche Evangelische predicant ghenoemt Adriaen Cock/een aposthaet vande Orden vande Regulariers van S. Augustijn upt het clooster te Donck/by Doordrecht / legghende dat hy daer ghelonden was vanden Prince van Orangien. Dese soo haest als hy inde deure quam heeft gheseght: Waer is hier dese goddeloose monick de predicant? Wilhelmus van sijn wreedthepdt niet verbaert zijnde/ heeft gheandtwoordt dat hy was de ghene dien hy sochte. Hy septe weder-om: Ick ben hier ghelonden om v te onder-braghen. Dit hoorende Wilhelmus/ sijn ooghen ten hemel-waerts slaende heeft ghebeden al-dus: **O** Heere Jesu Christe / die tot Matt. 10 v Apostelen gheseght hebt / Als ghy staen sult veur Coninghen ende Presidenten / soo en wilt niet denken hoe ende wat ghy spreken sult / want het sal u-lieden ghegheuen worden op de ure wat ghy spreken sult. Want ghy en zijt niet de ghene die daer spreket / maer t'is de gheest uws Vaders / die in u-lieden spreket. Nu bidde ick v/ gheeft my eenen mondt ende wijshepdt tegen v vanden / ende geest my in wat ick hen andtwoorden magh. Dit rozt ghebedt comende upt het binnenste des herten/ heeft Godt metter daedt ter-stondt ghetoot van hem verhoort te wesen. Want al-soo daer veur de handt een disputatie tusschen hen beyden wierdt aen-ghestelt / daer-der vele tegen-wozdigh waren/ heeft Wilhelmus de vermetelijchepdt van desen  
sijnen

sijnen onder-braggher met sijn gheleerde andtwoor-  
 den al-soo te neder ghedruckt (hoe wel dat hy hem  
 glorieuselyck veur-seker vermeten hadde dat hy  
 victorie crijghen soude in desen aen-slaggh) dat hy  
 claerlyck verwonnen ende ouer-tuyghyt zynde / niet  
 en wieste wat hy op sijn redenen soude andtwoordē.  
 Veur welcke beschaemthepdt verweckt zynde /  
 heeft hem ghekeert tot schampere woorden ende  
 dreyghementen als sijn upterste toe-blught / ghe-  
 lyck sulcke menschen ghewoon zyn te doen : ende  
 sluytende de disputatie met een propost hem ende  
 sijn ghelijcken dienende / heeft gheseght : Ghy  
 boose ende eer-loose monick / maect v ghereedt /  
 want morgghen moet ghy steruen . Dit spytigh  
 ende herdt vonnisse ontfanghende de heylighe man  
 van eenē dienaer des doodts ende der bederffenissen /  
 en heeft niet qualijck teghen ghesproken : maer  
 heeft sy-seluen hier-om gheluckigh gheacht / dat  
 hy van Gode gheroepen wierdt om Christi lyden  
 deelachtigh te worden . Soo heeft hy met blyd-  
 schap des herten ende des aen-siechts naer den he-  
 mel op-siende dit ghebedt ghestort : O Heere Iesu  
 Christe / ist dat ghy my gheweerdicht soo groote  
 gratie te gheuen / dat ick gheroepen werde om de  
 pyne des doodts veur uwen naem te verdraghen /  
 ick bidde v om een saecke / gheeft my cracht ende  
 sterckhepdt / dat gheen verschyckthepdt noch ten-  
 tatie my en scheyde van het op-recht Catholijck  
 ghelooue : maer dat ick totten lesten adem toe on-  
 verroert magh bliuen inde heylighe belijdinghe .  
 Doodts de schimpen / toe-naemen ende boefach-  
 tighen spotterijen die hem tusschen beyden van desen  
 boosen dupuelf-dienaer ende de soldaeten aen-ghe-  
 daen wierden / verdroegh hy niet alleen patiente-  
 lyck / maer verachtete de selue oock met een groote

broom-hertighepdt. Dit alleen en conste hy niet  
 verdragen dat hy de leelijcke ende schroomelijcke  
 blasphemien teghen het hoogh-weerdigh Sacra-  
 ment ende andere heplighe mysterien des gheloofs  
 moeste hooren. Als ten lesten de predicant met sijn  
 gheselschap upt de camer vertroocken was / soo heeft  
 hy sijnen mede-gheselle met hem ghevanghen we-  
 lende al-dus toe-ghesproken: Wel aen / broeder /  
 laet ons doch vol-herdigh bliuen inde belijdinghe  
 van het Catholijck ghelooue / ende d'welck ons  
 veur al van noode is / laet ons om de gratie ende  
 by-standighepdt Godts oodt-moedelijck bidden.  
 Maer tot Gode sprak hy onder-tusschen: Ver-  
 sterckt my o Heere / versterckt my. Hy verhaelde  
 oock tot sijnen mede-gheselle / hoe dat hy tot sijn  
 moeder (die om de religie wil Hollandt verlaeten  
 hadde / ende te Breda was comen wonen) dick-  
 wils hadde gheleght: O moeder / moght ghy dien  
 dagh eens sien / dat ghy eenen sone hadt / die veur  
 het Catholijck ghelooue de doodt steruen moght.  
 Ick hope / seyde hy / dat dese mijne begheerte van  
 Gode verhoort / nu vol-braght sal worden. Al-  
 soo dat de vierighe Martelaer Christi met den Apo-  
 stel Paulo de doodt veur ghewin rekenende / en  
 wenschte met aller begheerten anders niet / dan ont-  
 bonden te worden ende met Christo te zyn. Hy  
 heeft op dien seluen daghe upt den kercker gheschre-  
 uen eenen troostelijcken briez aen sijn moeder / wel  
 denckende dat sy nu verstaen hebbende het perijckel  
 daer haer sone in was / naer haer moederlijck herte  
 veur hem seer benauwt ende beducht soude wesen.  
 Het in-houdt van den briez was sulchs: Dat het  
 met hem seer wel was / midts dat hy lede om de  
 recht-veerdighepdt wille. Dat hy seer gherust van  
 herten was / ende gheerne hem te breden stelde in  
 den

den wille Godts. Jae oock dat hy hopte deur de  
 Goddelijcke gratie / dat seer roys in hem vol-  
 braght soude worden t'ghene dat hy haer dick-  
 wils verclaert hadde te wesen sijn innighe ende her-  
 telijcke begheerte. Dat hem gheen meerder ghes-  
 luck en soude moghen toe-comen. Haer daer-om  
 biddende ende vermaenende / dat sy met sijn ghe-  
 vanghenisse / benauwthepdt ende doodt / soo verre  
 het al-soo quame / haer niet en soude quellen / maer  
 dat sy haer seluen met alle haere ghedachten ende  
 sorgb-vuldigheden soude werpen op Godt alleen/  
 die is de aller-beste trooster van benauwde herten/  
 ende dat sy haers sones aen-staenden strjdt hem  
 in haere ghebeden soude bevelen.

## CAPITTEL V.

Hoe de Martelaer ter galghen uyt-gheleydt  
 wierdt.

**D**Es anderen daeghs / alst gheschickt was dat  
 hy ter doodt ghebraght soude worden / is hy  
 heel vroegh veur den daghe op-ghestaen / ende heeft  
 hem met aller oodt-moedighepdt des herten ende  
 des lichaems ter aerden gheworpen / sijn handen  
 ten hemel-waert gheheuen / vierighe ghebeden tot  
 Gode ghestort / sijn by-standt versoekende teghen  
 de aen-staende uyterste ende aller-swaerste tentatie/  
 ende ander-weruen aen den eer-weerdighen Pater  
 sijnen mede-ghevanghenen sijn biechte ghelyproken/  
 om alle stof der menschelijcker affectien daer de  
 consciencie mede moght belabbert wesen t'eene-  
 mael af te vaeghen. Omtrent den acht uren is  
 daer met eenigh bescheedt gheromen een capiteyn  
 ouer de Geulche soldaeten ghenoeemt Marliant/  
 ende heeft den sippier oft bewaerder vande ghevan-  
 ghenen